




樊榭山房續集

和  
356  
6





樊榭山房續集卷第七

錢唐厲鶚太鴻

支那新



詩庚

月夜泊吳江


兼葭望極淨無烟小泊秋娘渡口船對月心情多往事  
阻風滋味又今年江空列宿依人近夏淺餘寒與水連  
正是清和好時節潛蚪光動不成眠

游水木明瑟園簡陸茶塢二首

小舫閑停岸輕輿遠繞村言尋甫里宅不減辟疆園水  
氣涵虛閣山光隱短垣夏帷紛眾綠暫此息塵喧  
僕指中吳勝如君有幾家亭畱高士跡

中有介白亭為吳  
江徐高士舊隱  
賦

利  
211  
6



並小園誇朱竹垞先鹿柴陰連竹魚幢俯浸霞主人何處  
去山僕且擎茶

由上沙登靈巖山寺

山迴似馬奔天低但鷓沒籃輿上沙來吳宮問禪窟酸  
嘶歷翫翫喘汗凌坳凸人勞怯衰步徑轉得清樾君王  
昔游宴鑿翠構華稅誰知水犀沈永作金仙謁屨廊既  
湮蕪琴臺空突兀皓然太湖陳勢欲吞溟渤東西雙黛  
浮帆影望超忽鴟夷去不回古豔久銷骨焚香禮斷堦  
捫苔讀遺碣擬聽夜泉聲松閒弔烟月

元僧惟則師子林今爲齊門某氏園泛舟往訪  
閨者以閨人居此辭焉悵然有作

名僧遺石在迢遞訪前塵北郭圖難覓徐幼文有師東林  
社未湮不逢澆竹叟偏住散花人悵悵迴船處溫風蕩  
綠蘋

召伯埭

開帆廣陵郡似別故鄉時古埭傳遺事垂楊繫遠思鳴  
鉦估客舫吹笛女郎祠稍喜湖天闊風蒲舞鷓鴣

淮城寫望

旅泊孤城外長淮入望勞天形倚蓋遠水勢築垣高快  
雨鳴葭屋涼風透苧袍重過枚叔里蕭瑟感顛毛

午日淮陰城北觀競渡四首

此日家家喚艇行一灣野水是新城無人更說防淮事

烟柳風蒲到處生

淮安新城為明福藩時築

驚飛沙鳥兩相呼 鏡鼓緣流引客娛 不分午風涼似水

為他兒女颺釵符

誰家林際小園亭 過盡豪華物態零 幾折虛廊通淺渚

壞橋無柱上浮萍

吟朋應是憶天涯 舊曲樽前小字斜

丙寅午日與歐亭敬身諸君湖上賦競渡曲

有浴蘭遺俗在 晚來閑過賣漿家

晚渡黃河

聞道呂梁險 東分此地寬 緯蕭詢土俗 剪紙祭波官 落日中流赤 長風五月寒 高堂念游子 舟楫報平安

嶧縣待牖呈沈侍御椒園

京洛十年別相逢 鄒魯閒汎舟 君有役時椒園以催賑至山東 倚楫 我多艱 官燭南牀話 離杯北路顏 高情得津送 圓月墮前灣

過微山湖

青山去遲遲 風柳吹靡靡 湖空生白雲 何處弔微子

魚臺道中

為春秋棠邑魯隱公觀魚處

推篷纔睡起 入眼似江湖 小鴨隨孤艇 連山出短蒲 矢

魚沙戶慣房 馬水村無且喜緇塵避 甯愁好句通

南池拜杜少陵祠

太息杜陵叟 空垂萬古名 文章羈旅賤 身世腐儒輕 勝

地跡猶在荒池風 自清迎神有新曲 讀罷一含情

祠為椒園所創

有碑甚工

避暑河干佛閣時守牖任城六日矣

守牖復守牖一朝還一朝淹遲如此少熱惱豈能消佛影依高棟天風對麗譙他時思在莒只合樂顏瓢

嘉祥書所見

落日嘉祥縣人家早閉門如何大陵氣偏照阻飢村怪鳥兼遙哭殘蠅聚亂墀二東膏澤徧猶有未招魂

六月六日舟中寄查蓮坡

六月六日寺前牖客子枯坐愁書空岱雲膚寸幾時合汶水涓流何日通豈有詩篇傳濟北漫將米價問江東

時聞江浙米價騰貴

美人咫尺勞相望尙隔津門烟樹中

題查七倫鑷白圖

風流橫漲橋東客河上相逢各行役鬢鬢三十頗有餘未點吳絲一莖白幾時阿堵爲傳神苦吟幻出郊島身平明攬照忽自訝春苗那作霜菅新如子衰老藏漁釣偶逐風塵供姍笑刀圭乞取涅難縮輸與長楸眾年少看君射策銀案前頰髭早摘何翩翩從今鏡鑷真堪擲但數持梁蔡澤年

汶漲

五汶一宵發遙從泰岱東灌河聲挾雨入牖勢分洪舟楫今朝活囊錢兩月空蒼茫雲霧外何處答神功

月夜謁分水廟作

芒芒禹蹟畫九區千年距野更須與大河南徙伏流斷  
惟有轉漕爭川塗我來涼月出深樹清鐘未絕靈祠趨  
祠前地勢若覆盎銅丸注坂兩下俱古汶西行正當面  
鮫宮貝闕根虛無擘流彷彿似彭蠡馳波相背漂以輪  
南帆北柁競望此箭筈脫手荷傾珠村氓離立話遺事  
壅遏詎匪由人乎白老奇謀戴村築東逝那復滄溟紆  
太倉紅朽賴一綫萬斛傳送如輕鳧奈何利害互倚伏  
頻遭秋潦飢難蘇眾神部署有主者誅風刑雨功非誣  
溝渠不溢百穀遂田家旦暮歌烏烏治粟都尉奉牲醴  
飫及介卒兼鱗徒

東平

鄆州東下會通河小艇乘流疾似梭地憶須句風物古  
都經劉豫廢興多雨能消暑濛濛至山不知名淡淡過  
垂老那禁行旅感每逢佳處一高歌

晚泊張秋鎮

薄暮初收雨維梢著處家斷虹遙飲海返照倒明沙卒  
律愁煎餅奔渾笑煮茶吳杭炊柁底一飽任天涯

東昌阻風

伏日舟中聽曉雞無端風雨共淒淒浮雲西去遙連魏  
綠樹南來漸入齊災後名區絲竹少病餘舊僕語言低  
愁城如許攻難下一矢書成亦枉題

南皮

南皮城下水灣洄悵望空尋讌友臺季重子桓俱已矣  
浮瓜沈李亦佳哉百年勛業翻成恨萬古胸襟不易開  
我欲臨風弔遺跡片帆正約白雲來

滄州

蜿蜿高城四面通遙看飛鳥沒長空緣隄槐柳清風外  
比屋魚鹽落日中漢室望仙徒自苦唐家橫海爲誰雄  
閱人只有滄波急倚櫂無言盡向東

七夕查蓮坡招同英司馬夢堂吳東壁陳對漚  
集南碕草堂以荷淨納涼時分韻得荷字

羈懷不可釋憚暑期烟蘿嘉招愜心素南郭尋行窩修  
梁百步餘沽水通小波絲楊盡踈地彌望菱與荷客來

冷香中遙吹銷煩痾林蟬無輟響秋思亦已多坐中半  
故鄉佳節感蹉跎顏陽飛鳥外新月層城阿情話尊未  
竭歸軒指斜河

題蓮坡澹宜書屋種竹圖二首

北方種竹如種玉幽人愛竹一叢足畧似黃陵古廟前  
月痕照破秋烟綠  
我家屋後百筍篔夏雨吟風半畝強莫怪披圖動鄉思  
來時新筍正過牆

蓮坡以佛手柑見餉賦謝

秋香新載海門船分得兜羅別樣縣怡稱客窗清夢後  
偏宜書幌晚風前悠揚突過千花氣受用惟憑一指禪



我正迷方煩導示須曼應有舊因緣

酬英夢堂晚過寓齋元韻

海津多沮洳高館傍古堞閉門秋草長無客共日涉司  
馬方外流趣遠神先愜主人呼燈至小坐聽風葉即此  
尋元言相期在白業

晚過古春小築奉訪樊榭

遼海英 廉夢堂

游雲不滿空返景下疏堞佳人隔深巷薄暮引幽涉  
相違期非遙相見意彌愜微風亂燭影涼雨鳴蕉葉  
寂寞共西窗惜此清淨業

題方正學先生雙松圖為蓮坡作

款云洪武八年花朝寫祝丹崖老先

生高壽後學方孝孺

逐燕高飛兵甲動金川門開浩呼洵侯城先生真大勇  
一語文皇魄為悚騎箕上天不旋踵故友門生紛總總  
慘淡金燈孤主擁木末亭邊但遺冢文字禁嚴眾胥恐  
雙松若非牛革鞏定是陰崖鬼神捧流傳何年拂塵瑜  
玉軸綾裝鸞鵞一株傾斂如病瘡作鱗之而疑豢董  
其旁一株蟻穿孔野叉拗怒兩臂拱偃蓋紛披白雲滃  
寫祝丹崖唐應奉肅先生署名端且竦是年嚴君戍控  
德初事潛溪角猶懸洪武八年先生父克勤成浦江先生初從宋景濂游偶然墨戲興空涌  
勁氣貞心天骨重韋偃畢宏翻帛罽澹宜主人寶若珙  
出自千秋讀書種白眼阿師詎懵懂金幼胡廣諸臣生  
食俸桃李爭春漫矜寵

同作

宛平查為仁 蓮坡

凌晨客過展畫叉再拜肅瞻文正筆青天忽墮雙蚪  
龍謾謾如聞風雨泣我思此圖四百載絹素雖殘墨  
精采百靈訶護避劫灰畱與侯城集俱在揮毫公正  
卅角年英氣早已腕底宜花朝寫祝丹崖叟應是上  
書代戍前蒼皮潛雨明青銅一松盤屈一摩空似公  
東市就義日慷慨乃攜哲弟同長陵渡江紛白刃公  
先諸臣慘相殉當時榮悴何足憑少師墨竹隨烟燼

戴冠濯纓亭集有  
題姚少師墨竹詩

閏七夕汪西顥自京來津門蓮坡招集水琴山  
畫堂分賦

飛絮漂萍少定蹤西沽何意此相逢天邊星漢剛連閨  
人世朋尊不厭重萬里征帆勞似鵲西顥自閩至一  
京往返萬里一宵情話  
碎於蜚子歸為報湖山侶滿箸蕁絲待阿儂

題蓮坡雙鳳圖

蓮坡于丙寅春夢雙鳳飛集屏榜各銜金篆字一  
日貞一日福後納二小姬名適與之同因作此圖

娉婷市裏見雙身好夢分明證宿因瑤水生來千百媚

彩雲飛下一重春蕙蘭元是含貞性風月何妨號福人

楊廉夫晚號江  
山風月福人

記取辟寒金上字香奩詩話最鮮新蓮坡著  
有詩話

東堂觀劇四首次西顥韻

秋河雨後溼模糊小部徵歌集飲徒此是武宗絃索調  
江南倦客得知無

韋氏闌前許和子岐王宅裏李龜年為君畱客殷勤甚

停卻明朝放溜船  
閑房新聘紫雲娘  
絲竹錚鏦置兩牀  
塊壘年來銷已盡  
白頭猶入少年場  
吳雲燕月兩怱怱  
別意方新酒正中  
一曲當筵如一世  
莫辭聽到六么終

原作

汪沈

衣冠優孟醉模糊  
從古神仙屬酒徒  
竿木逢場聊作  
戲童心還憶昔年無  
浣香樂句染香笛  
不聽清歌近十年  
今夕東堂競絲  
竹爲渠悵罷航船  
屏彎記曲有貞娘  
合製箏牀共笛牀  
我亦中年感哀

樂何妨陶寫百千場  
生憎催別苦怱怱  
聚散無端一霎中  
久識人生同爨  
演銷魂不待管絃終

蓮坡餞予竹間樓張燈看月得三絕句

燈映迴廊月上樓  
交光特爲故人留  
空庭荇藻浮沈影  
襯出紅蓮竹外秋  
從來秋月最淒清  
添得春燈豔更明  
不是露蟲喧酒半  
渾忘身在海津城  
今夜燈筵昨夜歌  
歡悰無奈別愁何  
明朝回首西津路  
明月盈盈秋水多

歸舟行衛河西顥先發一日中塗相遇知有武

昌之行賦此送之

水宿懷前傳荒雞已戒旦乘流各參差近岸屢迴轉停  
橈復相逢行計中道變男兒且依劉鄉井何足戀  
拙賤予所安才謂子堪羨江夏黃鶴樓青山漢陽縣  
到及葉飛初高吟獨不見

獨流口

周世宗北征下三關由  
此泝流而西事見通鑑

軍容無復汎龍舟古樹荒烟過獨流若使鎮州存佛乳  
關南誰遣作邊頭

佛乳事見王  
鞏隨手雜錄

油坊梨

北果品最繁堆盤媚南客蒲桃僧眼青蘋婆佛脣赤棗  
皴撲滿筐栗小剖盈石此皆待露霜急就未盡釋船過

下油坊燕齊接咫尺沙村樹纍纍梨熟號秋白斜陽射

林黃登岸觀小摘幽禽啄易損芒蝟穿不惜

芒蝟食果蟲數  
也見抱朴子

錢致連穎入手雙復隻香清先破鼻膚脆待冰噙老夫

苦肺氣得此潤關鬲篙師利販鬻包裹動千百區區釘

坐須關吏愁橫索一笑聊朵頤無勞遠懷核

雨泊故城寄嶰谷半槎

不待迷途覺昨非扁舟寥落寸心違孤城風雨秋更斷  
千里關河旅夢飛幸託良朋全遠志莫教慈母寄當歸  
平生浪說交游徧更有何人重芟衣

小泊阿城鎮戲成三首

瓜壺磊落菜登庖七級各南浮到市梢真偽世閒誰可

辨家家門外賣阿膠

十六巫兒兩手摻相攜女伴話話請生來阿縞何曾識  
自翦秋燈吉貝衫

麥熟還期歲有陳  
說餅應須了了人

望蜀山湖

秋在無情有思閒扁舟輕載客愁還心隨飛鷺行邊去  
一點波心是蜀山

仲家淺即目

荒陂野水漫縱橫一片斜暉柳外明仲子祠前滴秋翠  
鳧雲嶧雨晚來晴

淮城使風暮抵揚州

西風作意送行舟帆飽清淮碧玉流三百里程消一日  
蘆花吹雪到邗溝

吳氏家藏十三銀鑿落歌為蔚洲作

秋琴館裏秋窗拓主人示我銀鑿落一一數如琴上星  
云是前朝季年作先世畱貽手澤存石交介壽心盟託  
文如絲髮鐫刻精製比商周彝鼎各歷時知更幾晦朔  
請為中金溯其略神禹梁州陳土貢銀與罍磬齊磊砢  
先秦僅充器飾用漢興三幣旋廢閣朱提大侵赤仄權  
唐始蠻鄉行漸博承安寶貨鑄即成金溪孝女冶曾躍  
輕齋利共粟俱生變化無端累杯杓空傳白氏梅漿洗

白香山寄銀槿與裴侍郎詩云重用鹽梅試洗看自注銀匠所銀多以鹽花梅漿也已笑韓公花葉樂韓昌黎寄崔立

厥其銀得朱提黃金塗物象雕鏤妙工惟又云野草花葉細不辨蒼朮苑

堪愕史相壁壘未崩摧高家兵馬先焚掠此時鑿落何處藏鬼護神訶免搜索至今珍祕深且嚴櫝以香檀謹局鑰二分不敢醉明月十千那肯澆紅藥莫教惡客髻中匿豈使貪夫市上攫因思古人銘彝器子孫永寶宜虔恪君今持己等持盈沐浴詩書光燦若為君作歌歌思長祖德看君更恢廓

雨後同蔚洲登大觀樓望隔江山色作二首

一片關外帆帆外山藏雨秋翠忽飛來都染瓜洲樹透池青不斷潤州入昇州一重復一掩不掩南渡羞

秋日懷旭瞻

漸水指家林秋風日夕深無書非是忘有夢即相尋野艇看山約僧寮問字心寥寥弦外意餘子漫知音

吳甌亭席上食哈密瓜分韻

儒生守環堵封侯徒所羨云何几席閒伊州眼中見伊州近燉煌瓜美不容選年年職貢餘賜出馭娑殿形長狐得藏氣冷蠅早遣阿誰轉相貽及此賁文讌漢家通西域聲教被月竈要知六師征詎獨為瓜戰衰年安儉腹登壠荷鉏倦差傳辰日種適市取攜便并刀驚削寔甘嚼潭月片珍物匪分宜躊躇不敢嚥

送全謝山赴鼓山書院山長

初寒官舫晚潮催知是經師入越來石簣雲深書庫滿  
墨池風動講堂開西山餓後推前輩謂劉念臺先生東箭收將盡  
異才我憶舊游何日再為尋履齒尚蒼苔

冬日重游大滌洞天得詩三首

筍輿歷歷數烟鬟霜榭風篁遠近閒二紀重來添白髮  
九關依舊鎖青山有丹可駐壺中景無術能謀世上閑  
卻笑范零開石匱塵緣未斷便思還  
前身名在碧霄曾十月探奇喜未冰洞裏天低堪倚杵  
崑中嵐暗盡篝燈山書字合仙人識風佩詩非俗子稱  
尚憶當年腰腳健赤城有約試飛騰  
尋真又過會仙橋萬壑烟霞閉寂寥谿碓自鳴疑擣藥

松風不斷學吹簫鼻帑喚醒雲根夢小兆來為帝所朝  
玉殿無塵漸零落紫芝碑在歲時銷山中無塵殿供玉皇像猶元時構今漸頽矣有洪武十一年洞霄新規記徐一夔文俞和書張昱篆額古碑存者唯此而已

步餘杭溪上謁凌將軍廟吳淞統

茗源直下漱迴汀古社依稀記舊經共呂子明矜戰伐  
與甘興霸作神靈夜嘶寓馬山行雨曉散祠鴉樹見星  
欲覓遺苗何處是草間部伍尚名亭縣有部伍亭凌統少時部伍鄉兵于此

題汪復園亭角尋詩圖三首

少日同馳翰墨場卅年飛電誤流光不論公瑾小一月  
今看鬚眉各老蒼  
城北幽居一水通荷香柳影冷吟中分明畫出陳居士

亭角披披兩袖風亭角尋詩滿袖風陳簡齋句也  
老去酒兵元偶爾新來眉斧不相宜與君商略閑功課  
長日唯消幾首詩

潞琴行

為任秀峯賦

高堂試解囊琴縛梅花紋斷龍池薄指爪拂觸鏗有聲  
云是前朝潞王作神廟之姪穆廟孫常衣租食稅居中  
原承平無事尚雅樂桐枝斲就除哇繁一朝劇盜秦川  
起福藩兵死周藩水流離不惜青珊瑚攜琴南向杭州  
止忽驚帝座隕天狼又見金陵有立王擇長幸寬貶尉  
氏無人更肯奉貞陽史可法欲立潞王不果天兵破竹長江渡  
蒼黃寧免崑岡懼面縛開門救一城至今稱佛猶如故

杭人尚呼王為潞佛何處青燐泣野烟人亡琴在歲時遷吾儕共飲  
申時酒此地仍傳戊日弦小篆銘文藏在腹兼金得自  
街頭鬻誰將舊事譜滄桑彈出酸然不成曲

寒柳

酸風無復一枝新憔悴翻疑故態真葉落紛如汴隄雨  
鴉棲瘦似灞橋人不將濃影遮游舫猶記斜飄拂舞塵  
畱得慶奴羅扇子烟痕挽住舊時春

題趙子固墨蘭

嶠石所藏

廣陳之里幽人之居窈然空林有香猗如芳草無言春  
風太初懿彼爨齋妙墨相於其葉則勁其花則疎芝連  
質秀石抱中虛同心伊誰曰所南歟鄭國服兮楚臣佩



諸

題女士畫扇三首

漁川所藏

名同班氏最清華知道停雲是外家點染春心冰雪裏

只消葉底兩三花

趙昭雙  
鉤水仙

從來名士悅風流小筆蕭疎在扇頭一笠空亭行跡少

石城烟樹冶城秋

宋玉耶疎  
樹山亭

寥落江山發興新疎松列翠指通津閨中也自傷秋旅

寫出雙帆不見人

黃媛介江  
山秋帆

嶰谷半槎昆弟招游焦山取道霍家橋次竹町

韻

問訊城南路還同輞口尋江天遠不極雲日澹相侵牛

嬾仍眠壘鴉寒後出林重來水竹地情話愜幽深

夜宿南莊

平生苦愛竹與梅西溪有約鉏蒼苔我行北地少二友  
衣塵湔罷空歸來歸來復向韓江寓出郭雲陰風色暮  
招要幫屐南莊游舊是梅多竹深處疎林四面開茅堂  
卜夜須卜子夜長竹搖萬箇酒燈綠梅放數花詩硯香  
彷彿西溪十八里月痕浮動追春始江雨無端竹裏鳴  
不教梅影橫窗紙

焦山觀音岳晚望再用趙冰壺韻

手剔摩厓舊跡存江風為掃凍雲昏山當落日如爭渡  
帆向遙天欲倒吞絕頂僧棲同怖鴿空廬人去有驚猿

廿年三到緣非淺好掬清波洗眼根

時子方病目

同作

馬曰璐

雲磴依稀屐齒存茅亭登歷海光昏音兼吳楚人重  
到氣壓曹劉句早吞萬里奔流浮落日十年清景問  
栖猿江山佳處歸長望嘯倚天風坐石根

焦山看月分得聲字

焦山寺裏鐘始鳴焦山寺前江月生此時月上潮復上  
風水相薄為奇聲餘音瑟瑟獵枯荻磔然飛起棲禽驚  
長波萬里入杳靄中流一道馳空明數星莫辨北固火  
幾點不送南徐更羣峯隔岸悄如睡何事賈舶貪宵行  
吳頭楚尾兼越角我輩聚若九子萍同游者九人珉石興來弔

鶴瘞瓊田望去呼龍耕坐久起踏松影碎滿地窸窣霜  
華橫琉璃宮殿水精域佛界盡在寒而清良朋偉觀那  
易得天教今夕二者并高詠坡公赤壁句一尊酌月還  
同傾

同作分得月字

馬曰瑄

十年不到浮玉山夢裏時時幽興發琴聲憶著冷侵  
肌詩思尋來清入骨天公從古妒佳游未必重登還  
見月今朝賈勇挂帆過正值晴冬寒不冽夜深雲淨  
五三星浪湧潮翻遍銀闕望處澄江徹底明吟成遠  
岫排空沒黃蘆苦竹舞平沙驚起香林定巢鶻同行  
有客氣最豪把酒披裘坐巖窟廣寒八萬四千戶要

與江山助奇突人生此境豈常遭拾得莫教隨手撇  
經窗且復嗅梅花海風吹我蕭蕭髮

登雙峯閣分得翠字

香閣如危巢細路盤折至頗覺筋力衰不辨舊題字爐  
烟浮江光帆影移竹翠此間坐永日自爾絕人事將為  
禽尚游未免周何累歸歟復衰回短策耐寒吹

同作分得山字

杭世駿

凌虛結遐覽一菴翠微閒石磴穿鳥道瘦策同躋攀  
了了脩眉蜨遂見江南山喧濤鳥下過白雲窗中還  
清景迫短晷後游恐緣慳霜鐘發深省鐫銘畱孱顏  
焦山歸宿南莊二首

江山奇絕足盤桓歸向梅花說夜寒一片水精菴外月  
隨人小倚曲闌干

多少長安車馬塵故園空鎖一園春板橋修竹風燈裏  
始覺林亭有主人

洪曲溪延清齋雅集分題得炙硯爐

一夜陶泓有凍泉故教移置煖爐邊清霜古怨辭宮瓦  
茅屋春風夢石田勛策華林非躍冶句回枯木不離禪  
先生笑著寒齋譜休比矮桑磨欲穿

開平王孫種菜歌

井序

常延齡字喬若號蒼谷開平王遇春十二世孫襲封懷  
遠侯官南京錦衣衛指揮使有賢行會疏劾馬阮鼎革

後與夫人徐氏中山上公之愛女種菜於金陵湖墅裔  
孫執桓乞詩

高皇初定江南日采石磯頭功第一橫行十萬常將軍  
帶礪河山永無失滄桑抱節有賢孫鍾阜秋青入淚痕  
飄零大樹不復見顛頽故侯安足論中山同志深閨婦  
曲折天吳移舊繡誰知偕隱灌園人俱為異姓分茅後  
幾稜荒畦非賜田晚菘早韭資寒泉可憐一紙鋤姦疏  
卻裏長街賣菜錢歸來偃仰棲衡宇猶勝貂蟬輿阜伍  
鳳臺園裏鬼迷花雞鳴廟前狐嘯雨漫向金陵弔夕曛  
百年寂寂但孤墳籬邊尙發東風菜一任空原野火焚

張漁川春草堂雅集同賦盆梅

船唇欲發未發梅意全舒半舒但覺室中香滿不知池  
上冰初斜枝馬遠結法瘦格章泉課餘歸去西湖千樹  
為君落月踟躕是夕子歸杭

次韻答吳葦村見懷

年來善病已衰徵無寸長如薙髮僧多謝良朋遠相念  
試吟佳句恐難勝雲閒雁迴何人弋冰下蛟寒未可曾  
觸撥孤懷當永夜為君挑盡一窗燈

奉懷樊榭先生

溪南吳鳳華蔚洲

脫屣浮榮嬾就徵前身應是寫經僧瘦如飯顆吟尤  
苦清似冰壺冷不勝行繞梅花隨鶴跡坐看山影落  
魚簪相思風雪湖陰路定對攤書竹屋燈

立春前一日作

殘年不出戶試起繞階行上番梅開色斜陽雪滴聲春  
回偏耐冷臘去有餘清辛苦西川戍兜零事遠征  
十二月二十五日同穆門甌亭汎舟至聖因寺  
訪大恒上人用東坡臘月游孤山訪惠勤惠思

二僧韻

閒何闊高士湖孫太初號西湖為高士湖歲云暮矣一事無出郭見山  
已如笑登舟招鶴若可呼興來奚暇謀諸孛白頭相覓  
塵外娛延緣到寺不十里愛此水曲兼林紆沈沈千柱  
釋子廬阿師晏坐秀且孤清修凜凜對雪竹妙句往往  
傳風蒲出家洵是大丈夫徑山欽禪師語繩牀茶話午至晡復從

絕頂望烟景洪谷有手應難圖幾點綠萼破凍餘繞樹  
願為蜨栩遽挈音同訪鄰翁逋暗香疎影休重摹

孤山探梅用東坡松風亭下梅花盛開韻

扁舟喚渡尋西村董嗣皋西湖百詠注云西林橋為古西村喚渡處殘梅零落誰招魂  
水邊尚有數枝在三花兩藥苔斑昏高吟為拜處士墓  
舊游只認孤山園江南春事亦太早石闌坐覺生微溫  
空亭遠照一峯雪花鬚落日如初瞰平湖鱗鱗峭風起  
城頭吹角愁關門作詩清絕洗綺障舉似老宿知忘言  
探芳寄語後來者明朝尚及攜匏尊

歲除日同江聲東壁甌亭游紫陽菴

趁閑同過羽人居怪石玲瓏玉不如江影一窗開洞壑

松聲滿耳接空虛鐘鳴塵界知春換棊罷仙家忘歲除  
我已行年何子季比來百念轉蕭疎

南史何子季云吾年五十有七月食四斗米不盡何容復有宦情子年正與之同也

元日試筆以下已巳

手搔短鬢感流年起向東方未白前後飲酒巡煩杜舉  
少成文字笑唐捐壽親無量須依佛老母今年八十貧我何私莫  
問天跬步出門春浩蕩好詩都在柳梅邊

北郭歸舟即事二首同江聲作

沙尾痕漸沒芹芽已可挑不見青山郭舟行雨瀟瀟似  
出新林浦逶迤向板橋  
同舟得我友笑語烟際落人家閉暮色燈影穿叢薄歸

路喜非遙漫畏東風作

春餅

新年今夕好入手愛團圓筍底禁風卷燈前映字看圍  
丁供生菜電妾釘春盤不道來牟貴偏宜老齒殘近時多饋之是前此未有

元夕大雪集汪秀峯真硯齋看燈分韻

落落城中幾弟兄春宵又作放歌行殘梅亭角燈初上  
飛絮牆腰月自明甲子晴慳多望歲是日為春甲子鬼方天遠佇  
休兵老夫把酒殷勤祝到處豐年有笑聲

春雪初霽同穆門設林恒公汎湖得岫字

湖上四時佳最佳早春候况逢晴雪初招要詎容逗天  
公喚滕神巧在阿香後十四夜雷十五夜雪風力峭能留陽光消不

驟故作冷淡觀少緩芳菲鬥花房鸚破紫柳色鵝脫殼  
幻玉刻樓臺溼粉皴林岫中央開碧鏡西子妝更秀心  
為尤物移短句詠難就非因侵曉來安得此邂逅

口占待得詩成雪已消足成一律

待得詩成雪已消滿湖新水動蘭橈夕陽紅送僧歸寺  
山色青隨客度橋一笑閑名花市酒百年樂意竹房簫  
繁華說盡前朝事分付高枝鳥語嬌

春雨齋居遣興

枯坐空齋聽雨聲春來景物似淒清苔緣古砌多幽思  
草長閉門不世情向子卦中知損益昭文琴外悟虧成  
蕭然止足身無事驃騎寧高第五名

春分後三月初晴雪軒招同穆門蘭垞堇浦汎  
湖分韻

載酒邀朋有范雲四山嵐影坐閒分放懷且喜同鷗侶  
洗殘何煩對馬軍樂過中年天所借晴無三日古來聞  
天桃正照清波影好揀繁枝插帽羣

堇浦招同諸公鳳凰山看桃花作

春情垂老春醅濃又被城南花惱公青山無賴浣紅粉  
小雨野鶯啼故宮看花人去愁難寄一笛花前何限淚  
來訪西天寺裏鐘碧蘚蝕殘蒙古字

乙丑三月六日顧丈月田  
招看花于此觴詠烏龍古  
廟中今下世已五年為之泫然廟有元西天元興寺鐘一  
口上有江浙行省平章達識帖睦迺題字并蒙古字經

穆門招同諸公汎舟甘村看花分韻二首

出郭烟光暖攜尊客意和花深隨水曲舟緩得春多紅

外山連屋青邊竹映坡何須話前度不厭屢經過

並岸尋村徑游從興不孤繁枝側帽避落片倩風扶美

景難為別時柳漁將入都村農也自娛主人稱老健傾倒玉雙壺

平生嗜讀書枵腹但貯菜勞勞求益心屢問市兒賣上

人空味塵不羨萬羊宰挂席割海雲衣色共難壞歸來

包倭紙償我清淨債香山供高禪詩中費薑芥取用及

齋孟母乃已傷介雷鳴候石鼎雋永堪一噉伴以梅岑

春松濤洗餘噫景純賦已收鴻漸經未采紫菜見郭璞江賦

作

三潭人靜煙沖融茲游奇絕我輩同千金不買湖月白

一杯獨吸春山空柳邊花外有今夕銀燭清歌無此風

贊公房裏續前夢黃雞莫漫啼恩恩

晚入靈隱寺次日吳君既亭來遂同穆門竹田入山柳漁歸去

遂果西山諾來尋猿鳥羣斜陽隱春樹梵唱出香雲佛

坐莓巖徧人行乳洞分如何憩寂地眾籟一時聞

坐月冷泉亭贈巨公

經年不入山山月喜幽詣遂隨芒履行出沒峯嶺際清

光倒泉心瑣碎見松桂一輪澄孤圓倚闌勝仰睇夜深

春氣和微風扇明霽龍宮疎鐘斷澗響續迢遞林僧愛



迎客茶甌暗芳細何處雜花開石路杖頻曳

寒食湖上冶春絕句七首

三日湖山爛漫游汀花沙鳥為句畱今年寒食閑蹤跡  
半在僧坊半酒樓

清繞橋迴澗壑長春淙亭下踏春陽越溪一尺西家髻

壓倒吳中時世妝

猛雨豪風不奈何誰教龍忌得晴多桃花薄命成僥倖

腸斷佳人愛愛歌

頭白周郎發興真門吳家樂府劇清新甌肩吾詩句神

仙裔田盡與西湖判斷春

山滿樓空鷺浴翎行窩大好在湖亭凭闌斜日不歸去

吟盡浮嵐潑眼青

山涵樓明高深甫別業在跨虹橋東今廢

新寺海棠烘臉霞兩株合得好詩誇老夫朝暮看不足

一任人嘲命屬花

踏花鹿女茜帟低二月蘇隄似大隄只有道人清淨眼

觀心人作絮霑泥

謂恒公

題穆門虎正中秋夜汎詩畫卷三首

畫為華秋岳筆

抹月批風老更狂帶人燈火是山塘吳中勝事君知否

寫在周家十一章

老我吳船易感秋秋燈秋月幾曾游夜來多少行雲影

不夢閭正夢虎正

如此中秋天下無船船銀燭度歌珠風林煙塔迷離處

除卻倪迂那解圖

寄沈椒園觀察萊州

河畔相逢跡未遙使車聞又出中朝戶盈左海齊三服  
政洽東隅漢六條瘦格幾回憑落月高吟何處託歸潮  
故人依舊耕漁侶時望音書問寂寥

次韻奉答樊榭見寄

仁和沈廷芳椒園

市歲相思碧海遙先生南返我辭朝夢回梁月聞  
雞唱香滿湖花發藕條貧裏預籌游岳屐老來縱筆  
浙江潮耦耕行踐秋純約無盡意齋吟泐寥

舟過橫里懷平松雨先生故居

并序

平顯字仲微杭州人洪武中官廣西藤縣令謫戍滇南

沐國公英延為西席故居在北關外之橫里地有仲墅  
洛山水名十二里漾松雨軒集中有句云萬頃水雲橫  
里北百年正隴洛山陽又云藕花官漾十二里桑蔭鄰  
村數百家又云水竹空思仲墅村至今過之風景宛然  
惜乎先生之不能終老于是也  
出門天宇晴暖風吹我衣片帆一何駛沙燕相隨飛不  
斷故鄉山新綠初生肥謝村已回首仲墅望依依寬漾  
十二里中有詩人扉幽棲如此少遠戍竟爾違桑陰看  
浴蠶草舍聞呼豨當從田父飲莫歎季女飢

雨中過鶯脰湖

釣徒何處訪元真來往江湖浪跡頻青草綠波如送客

斜風細雨欲畱春

冶坊浜與竹田別

曉別一聲啼鳩春愁幾處人家記取綠陰流水石楠似雪初花

賦得未到曉鐘猶是春

韓江雅集

春歸何處更相畱且酌餘花藥玉舟明燭心還惜芳夜曉鐘聲莫動離愁低回元相驚獨句停待景陽梳髻樓漫道千金酬一刻千金多恐未能酬

聽嶰谷半查談泰山之勝

天孫迴出名山羣奇游歷歷今始聞紅塵遠謝日下客白石高揖雲中君古來禽尚幾人共雨後秦吳一髮分

老我曾吟望岱句胸中空翠猶氤氳

題張漁川所藏周昉宮姬調琴圖

天寶宮中尙歌舞三郎天縱工羯鼓廣平畱下朋肯聲  
靈王抄得龜茲譜小部箏琶競追逐雅樂當時棄如土  
趙州長史用意良貌出嬌嬈素琴撫淡妝相對花下聽  
低鬟背面尤娉婷一時何處有三粲霧閣雲窗深杳冥  
關雎本是房中曲不比等閑操汎祝好將解穢謝君王  
願君解慍四海康

雨中汎舟過篠園三首

三日邗溝雨能添打槳聲紅荷如欲語白鳥故相迎  
水亭布硯席初蟬流碧樹菰蘆積無邊不辨來時路

微雨或時作鄉心何處消垂楊拍新漲煙艇第三橋

夏日田園雜興韓江雅集

綠陰門外亂鳴蜩畏景偏於此地消秧動風畦初足雨  
荷翻露港慢通潮聲高與客聽芸鼓味苦呼童種酒瓢  
無事牽牛著涼處輭紅十丈自然遙

立秋日作和陳授衣

春殘一舸到揚州歲序無端已半周安隱鉢單僧過夏  
蕭條風雨客迎秋病餘稱藥煩賢主伏後嘗瓜憶故丘  
柳巷南頭詩老在全家住久尙鄉愁授衣杭人家揚州之柳巷

哭查蓮坡

燕南耆舊久相推會面俄成萬古哀漫浪虛充選人去

淹留直為訪君來序去乾坤劉尹誰知我湖海陳登未

易才老淚臨風何處寄手書猶在忍重開蓮坡于歿之前八日猶以手書達寄

未幾而凶問隨至矣哀哉

蕭照中興瑞應圖曹勛贊并書明吾杭陳瓛菴故物今在廣陵吳氏

趙家九葉承平業乾坤初換紅羊劫變輿哀痛塵再蒙  
自此中原滿兵甲肅王已去康王留神人助順先磁州  
即真當念衣中詔避敵翻為海上遊艱難百戰英雄死  
小朝廷在臨安矣迎得慈寧阿母歸不負黃羅卜棊子  
太平功就稱翁翁紹興間禁中呼秦檜為太平翁翁見寶退錄西湖歌舞驕春風倦  
勤竟受天下養瑞應圖呈德壽宮蕭郎會畫延祥壁蕭照奉勅畫四聖延祥觀壁見四朝聞見錄六百年來撫真蹟中間李固渡頭冰彷彿扶

持光武厄臣勛書贊官職俱北狩見聞非貢諛曹勛有北狩見聞錄

何如元叟浯溪頌漫比簡子常山符

魏景初帳構銅歌狀圓如箭徑一寸長四寸許中空而底方旁出歧枝有孔上有字云景初元年五月十日

霸城月照仙人淚不逐魏宮翁仲二銅駝久作劫灰飛

帳構猶存景初字洛靈兒愛芳林好奪得蛾眉供灑掃

彌張想像薄羅風傳與千年尚方造流蘇翠羽光零亂

土上出金妖識換見王子年拾遺記文成石馬大討曹水吐玉蝾

纔效漢碧筩平坐朱竿密八分應認仲將筆魏明帝宮館寶器皆章仲將書

見太平廣記摩挲彷彿陵雲臺小縮波痕勁無匹更聞昭烈能

自貶御用都歸銷鎔南史崔祖思傳劉備取帳構銅鑄錢以充國用帳構銅之名僅見于此一枚古

色出重緘畱向人間鑑奢儉

秋懷

落魄江湖鬢有華秋風又入小窗紗無官張祐詩名賤  
多病休文藥力賒慈母耄年忻善飯阿宜弱冠解塗鴉  
新來只有團圞想猶及中秋可到家

次韻張嘯齋同舟渡江之作

依依老柳拂汀洲我賦將歸君始游風月西湖如有待  
烟波東道若為謀烏絲剡紙蠶頭字白紵吳歌鴨嘴舟  
自是高人情調逸笛聲吹過一江秋

同嘯齋西疇暮游惠山至泉上

落帆楊柳灣暮色黯已動信步入幽翠山影正如夢重

來非昔儔光景不可控沈沈泉涵甃漠漠雲栖棟崑桂  
何處開妙香時一送不逢片月生風弦為誰弄

惠山下與西疇別

人生客路惜離羣笑語連朝得共君須記並船分袂處  
僧鐘茶火隔秋雲

哭周穆門

如君行誼友兼師一慟秋風草木衰徵士東岡有周燮  
稱兄南國只袁絲尊鱸不返松江櫂山水空畱汝社期  
僕指交情三十載九原無路說相思

大理石屏歌徐陶尊索賦石屏二一為山高月小一為水落石出蓋天成景也

坡公會賦後赤壁妙語排空江月白多年無人更收拾

幻入點蒼山下石公之遠遊唯儋耳異域未踰大渡水

山靈豈亦愛公語不似紛紛舒與李徐公清溪結草堂

尊公象琢屏雙插堂中央有時高枕卧其下夢作孤鶴橫

江翔前身恍忽居臨臯絕境高唱爭清豪五郎押韻斜

川曹陶尊寒光一點襲吟袍蕉堯欲踏三山鼇雅勝巫

峽翻雲濤不用抱遺撰志金粟詠元松陵謝氏有坐峽雲濤石屏楊廉夫為作志顧仲瑛為作詩

我為長歌聊賀茲石遭

題陶尊綠杉野屋圖

手種絲杉百本餘舍亭山下閉門居南州高節渾相似  
北路風流笑不如清籟含霜朝几靜翠幢承月夜窗虛  
主人只恐棲難穩早晚雙書向石渠

九日送西顛之武昌二首

今日一樽酒壯君行色無登高何地是送遠更心孤  
樊口波濤落怡亭木葉枯應添感秋句重疊付奚奴  
明時身不試軍府惜蹉跎月尚南樓好人逢上客過飛  
牋流翠墨開讌倒金荷應念衡門下西風獨養疴

初冬命園丁修剪花木有作

平生只合閉門居寒事于今亦有初荒穢頓芟聊復爾  
芳菲可待且姑徐斲苔預為移梅地掃葉堪充煮茗儲  
老去庾郎最蕭瑟小園賦就欲何如

朱母陸氏旌節卷

青燈絡緯動悲吟撫櫬提孩兩不禁鄰火滅時飢火忍

烏頭全是表冰心

全謝山喜飲苦酒詩以嘲之

大戶飲嗜辛小戶甘是取君戶大小閒奈何好飲苦前  
身天酒星匏瓜乃為輔生成東野腸孟郊詩食齊腸亦苦百觚堪一  
賭剉榮供釀材咀苓付翹部說文大苦苓也醉中不攢眉起作鵠  
鶴舞其味盡入心驅向筆端吐詩苦與俗違文苦致身  
寔五行性有偏惡旨詎勞禹祗應獨酌謠添入竇萃譜

月夜

乍霽初冬月團團出女牆明收一旬雨清釀五更霜入  
竹禽驚夢侵莎蟄閉房今年餘兩度深惜此流光

同堇浦謝山北郭閑汎

人生難得是冬晴，隨意河橋撥棹聲。縱不成游偏有伴，偶然欲出豈無名。因看黃葉商行止，爲愛青山當送迎。歸去只愁僧舍客，把詩吟向佛燈清。

謝山時寓僧舍

南潯田烈女詩

儂住潯溪上，郎家共里閭。掌珠祥入夢，冠玉弱知名。半面期幽壤，雙飛誓隔生。朱絲曾約髻，畢命託精誠。

長至前一日得沈椒園萊州書并惠毳段阿膠

卽次去年嶧縣舟次見贈韻奉答二首

髯奴書到一陽時，千里冰霜接夢思。宦況知君清似水，窮愁泥我亂如絲。冬堂贈疾煩村覘，曉寺安禪禮導師。只此便應爲近狀，疎蕪筆硯報章遲。

山林鍾鼎不同時，誰爲殷勤繫遠思。海內朋交存臭味，卷中詩句叶金絲。井膠舊在酈家注，毛布曾傳孔氏師。

阿膠見水經注孔傳織皮毛布

肺氣寒天須底物，感深不道寄來遲。

雨中過安隱寺寄吳甌亭

寒雨踰篷底，經過古道場。雲連山懵懂，松罨殿荒涼。舊酌名泉冷，追思去日忙。何當約雙屐，重與試旗槍。

同張龍威訪陸南香北墅

北墅幽棲處，閑尋野鳥知。風廊行落葉，烟閣俯空池。官罷天教逸，詩成客詫奇。此中多樂地，漫白幾莖絲。

集南香齋觀窗上樹影聯句

日晷近西南，照此窗上樹。同心集二三，斗室坐和煦。



陸震光  
陳枝幻自交虛櫺晃如赴陸錫周斜看烏漸移空想

雀難駐張元叔濃淡染匪真動搖畫亦誤鷓鴣借問何因緣

兼以寒飈故陸培

題馮績困無波艇

規制分明六扇篷窗開廡設小闌紅長依茶竈筆牀畔  
時泊疎花瘦石中大地四游俱在水人閒萬斛那禁風  
爭如安穩家園樂只把詩筒當釣筒

奉答當湖吟社諸君折梅贈行之作

客身似葉東湖濱北風十日吹倒人明窗深爐作詩供  
一枝烘蠟爭鮮新歲寒之交味禪悅贈我幽香媚冰雪  
諸公送者自崖返相對篷籠如未別

送樊榭先生載梅歸杭

鮑詢

先生興欲乘歸帆寒宵共聚深杯銜殷勤何物可為  
贈花字磬口春風絨春風未轉交三九月落篷窗香  
在手西溪別有雪千林一枝還肯寄儂否

同丁龍泓過潮鳴寺訪大園上人觀戴進畫功  
德諸像立軸殘本

城東結游侶殘臘得清暇忻茲後梁寺復駐南宋駕冰  
釋魚尾莘林疎鳥鳴沙菜甲畦稜斜山影屋頭亞旁闌  
白竹扉中啟赤華舍上人此安禪苔榻句無價雨深苔到  
辭籠上人句也語及戴畫蹟塵網解包乍迦文失莊嚴天女尙姪  
姪冠花凹凹裂衣葉披翻罅散脂藥又徒戈鋌儼欲下

又寫屍陀林枯骸瘦堪怕圓勁意猶存精彩炯相射當時修門名畫院定雄霸贈詩雖有楊社被放無奈謝人往三百年一藝妒堪咤冥搜作佛事舊觀隨元化聊為柯古述歸翦寒燈夜

冬日同雲亭江聲甌亭竹田集吳山延慶道院

分韻

丹房重到路依稀共倚闌干客思微半郭樓臺橫杳靄一湖林岫入烟霏天將雪意供詩本梅送寒香上道衣安得憑虛吹鐵笛坐看人世玉塵飛

樊榭山房續集卷七

樊榭山房續集卷第八

錢唐 厲 鶚 太鴻

詩辛

新正三日同東壁甌亭竹田集吳山延慶道院

分韻

始春事登臨麗矚與前別窈窕開崑楹自擅山水窟一鏡瞰澄明千峯俯環列浮嵐盪欲動遲暉耿難滅馳心為輕舟孤嶼轉沿越乃知仙家事靈境坐超忽茗餘幽鳥哢吟次閑梅發相要問黃靈子將鍊華髮

早春同人集讓公南屏山房分韻

空山春事早幽思集虛樞梅萼分湖綠茶煙出竹青林

暄宜曬衲石潤罷翻經愛接支纖語真忘物外形

新晴探梅南屏山中同江聲龍泓讓公作

為問梅花信高僧領客探笛聲吹不到鳥語靜相參春  
竹孤香抱晴湖一碧涵翻思前夜雪無路向山南

題華秋岳浴鵝圖

曇壤村中我舊過噴船無力困滄波近來頗厭書生幻  
不愛籠鵝愛浴鵝

題友人北墅耕讀圖

人生良計無如耕子真谷口垂高名人生至樂無如讀  
莊叟曾云學為福好學為福從來二事合并難耕兮求富  
讀求官何如九年之耕十年讀悅心果腹相盤桓君家

歸錦橋西住北墅連延夾城路白蕩波通柳外村秦亭  
翠見煙中樹頗聞卜宅先誅茅買田繞屋書成巢自資  
地利鄙慳鞅每探古義窮媧庖文度佳兒美無匹膝下  
承歡堪永日閑將耕讀作貽謀輟耒荒經俱有失幾時  
汎艇過幽居擬趁紅荷銷夏初瓜圩菱港經行徧蠶書  
蟹略鈔膳餘吟聲未斷農歌起恍忽置身圖畫裏比鄰  
近喜有同心我詩請示茨簷子

過南華堂追悼谷林

故人不見已三年重到池亭更惘然悵望殘梅點殘雪  
空餘新柳舞新煙塵凝石畔藏書庫雨損隄邊送酒船  
何處風流未消歇幽禽畱客語清圓

金江聲吳山志成詩以落之

窮塞馳驅返故林煙霞興在老逾深埽除問舍求田計  
校檢模山範水心強至里中添故事宋強至吳山里人君居同之伍胥廟  
下續新吟春來雨阻同登約手把青編子細尋

為堇浦悼亡姬

知君急淚制無因客舍驚聞玉化塵夢斷畫簾微有雨  
歸來錦瑟但如人碧桃落盡空留子白髮生多最苦春  
想到金臺定情夜殘燈向壁喚真真

二月十五日同人展周兄穆門墓于湖上之青

芝塢用皮襲美過張承吉處士丹陽故居韻

何方清佩逐飛霞理玉空山重可嗟墓下驢鳴猶有客

松陰鶴返定思家百年大雅存吟草二月東風滴酒花

猛憶去春同夜汎短篷曾繫水西涯去年此夕同汎月三潭各有詩

汎湖歸舟遇雨用前韻

陰晴無定驗朝霞零落還因故友嗟社燕來時初上冢  
林鳩啼處各歸家山容正媚偏逢雨酒價初高只為花  
老向太平行樂地一枝柔櫓是生涯

寄吳鳴臯

同岑渺天末夢去春芳歇江通瓜步雲樹隔蕪城月之  
子神何清相望空復情二十擬文賦半千期令名媵修  
寧有已餐勝方今始三歎北游詩不負琅玕紙

次韻奉酬樊榭先生

溪南吳鳳翔鳴臯

幽澗鳴春泉冷音殊未歇忽枉瑤華篇若對松際月  
月明風復清鶴望含遙情塵尾不輟講釣竿難避名  
雲山莽未已攀陟何時始吟成且寄懷自寫松花紙

同江聲東壁甌亭登吳山西爽閣

樓倚吳山好新晴一笑佳春湖畱遠眺名岳貯奇懷日  
隱雙峯晦風喧萬樹霾呼童掃苔石題字記曾偕

西爽閣聽施鍊師彈石上流泉

天風吹春沙眯目阻遙望道人山下返如鶴息青嶂手  
拂落霞琴爲我譜幽貺一彈初滴瀝再彈復跳盪淙潺  
七條水直瀉磐石上中間嗚咽處微有松聲颺近疑雙  
礪流遠接三峽浪滌塵耳更清破睡神覺王從今雅弄

名不數柳文暢

趙氏西池看海棠同施自昂作三絕句

花中戚里此稱奇淑態穠姿想見之莫笑杜陵窮相眼  
麗人行卽海棠詩正濟牡丹榮等志以海棠爲花戚里

亦復奇顛擬放翁名園可惜鎖東風與君臨水偷看處  
定愛深紅愛淺紅

白頭那更有風情撚斷吟髭太瘦生何意一枝禪榻畔  
宿妝殘醉伴清明

陋巷

陋巷無來往深棲幾歲華犬能憎俗客燕肯戀貧家遣  
日書從借經春藥尙賒曉風偏解事吹放一林花

大風

已惜花將盡飄風似少恩兼聞屋瓦振直使釣船翻病  
骨應難敵春愁孰與論微明聲稍止墮雀尚餘喧

城曲

城曲村非遠春深草正薰池萍生穀雨牆竹翳桑雲鳥  
散齋鐘罷風來戲鼓聞地偏神貺古童稚亦欣欣

吳長公自梁溪移家來杭用沈陶菴題石田有

竹莊韻奉簡

高人雅愛城東住與我棲遲共一川相望無多春樹外  
經過只隔野橋邊栽花更闢三三徑煮茗休尋二二泉  
為話越游吟興在涼秋重泛鏡湖烟

鶴林玉露周益公訪楊誠齋于南溪詩云回環自闢三三

徑尤地萬柳溪邊善話兵侍公棊于許舍山中鑿地得泉不異二泉名之曰二二泉泉蓋在梁溪也

晚春感興

水外茅檐竹裏扉閑窗人靜試單衣壓枝梅子多難數  
帖地楊花弱更飛白日如年娛我老綠陰似水送春歸  
如何尙著齋鹽累又理雲帆別舊磯

題新市映碧亭

白魚買就午炊遲映碧亭前小泊時閑卻東風一溪水  
惜無人解弄漣漪

璉市

東去含山遠西來盡水鄉藤穿橋脚古溪繞市中心長白  
髮逢挑筍青裊出采桑人家濃綠裏應笑客舟忙

晚次陵口

齊梁陵墓所在

綠徧千村叫杜鵑，餘寒猶未脫吳緜。  
暮雲青草夾岡隸，春水小風陵口船。  
舊事六朝殘夢外，客程十載夜燈前。  
白頭不奈閑愁攪，擬向空門問老禪。

題文待詔石湖詩畫卷二首同嶰谷半查作

吳中佳處我曾知，十里青山塔一枝。  
潑眼湖光飛鷺外，無聲寫出范村詩。

桂花香裏此夷猶，細雨平橋負好秋。  
瞥見停雲小平遠，依然還我舊扁舟。

丁卯仲秋過石湖欲作一詩未果

茅司徒廟迎送神辭

并序

廣陵蜀岡平山堂畔有茅司徒廟，相傳神五人。茅許蔣

祝吳其姓也。茅名勝，異姓約為兄弟。過谿旁見一媪，共  
母事之。媪為虎食，五人奮力殺虎。地自是絕虎患。予案  
南史：梁王琳為陳將吳明徹所殺，故吏朱瑒等請於陳  
徐陵還其首葬。八公山側尋有揚州茅智勝等五人密  
送喪柩達于鄴，通鑑揚州作壽陽。是時以壽陽為揚州  
也。琳舉兵平侯景，遭時多故，閒關異國，欲以存梁而卒  
死于戰，五人非親，故能送其喪柩還齊。誠義士哉。當時  
江淮閒思而祀之，隋封司徒。廣陵之廟最著者，以宋紹  
定中有陰殲李全功也。母媪事近不經，驅虎之說或有  
之。韓江雅集同人為迎送神辭，分得此題，因為辨證如  
左，使事神者有考焉。

絙弦兮鼓籠銅飛雨兮江岫東戈彗野兮旗燄空神之  
從兮建寧公青林兮望篝火於菟兮弭道左八公山側

兮三臺下雲車未來兮我心苦  
斗野平兮烟冪冪佇連蜷兮夜吹笛燈新塘兮銳頭兒  
回風颯兮降毅姿福我氓兮大有曷報之兮昔酒神醉  
止兮歸無方淮月升兮明古柳

賦得滿天梅雨是蘇州送梅泝自京師歸里

濃陰風雨溼模糊五月抽帆返舊吳驛路三千行已到  
畫橋四百望如無涼生白紵虎丘寺響入綠蓑鶯脰湖  
此景較量燕地少不妨賀鑄老菰蘆

哭汪祓江

自失蕪城友於君計已三謂余陵自程松門先歿論交存重諾經世付空

談衰白公榮酒悲黃成式函寂寥那可見揮淚滿江潭

京口聞蟬五月二十六日

兩月鄉心不自聊雨絲初歇早乘潮一聲知了來何處  
正在詩人丁卯橋

六月二十二日雲亭明府招同鹿田江聲諸君

集復園分韻

鬱鬱連朝不可任得來池館洗煩襟隔城山雨到荷葉  
度檻野蟬嘶柳陰早瘧已隨紈扇減晚涼應共茗杯深  
清風攜自蘭亭長只有閑鷗識此心

秋暑同陸紆齋張龍威葉迎坡孫刻畧集讓公



南屏山房分韻

八月生衣未放閑城中無處散疎頑同來此地真逃暑  
自笑多時不入山佛坐苔龕疑雨過僧歸竹戶倩風關  
扁舟載得涼多少更與秋荷約往還

九日望亭舟中

辛苦陰霖歇蒼茫野色秋百年渾作客九日又扁舟多  
病黃花避長歌白鳥留從來望亭驛烟樹迴含愁

大風渡江望金山

風雨翦江去漁帆恐不禁濤聲俄上下山勢若浮沈金  
碧疑神力虛空見佛心回頭驚定處畫裏記登臨  
入瓜州城愛其多水竹之趣忻然成詠

收港蘆分界城隅進艇初平生苦行旅隨地愛幽居潮  
水侵籬滿江雲入竹疎誰家開草閣借我著叢書

次韻答吳梅查見寄

水國初寒雁叫霜詩來便是接清光五塘野色歸秋卷  
千里離情寄夜航淮海風流君未老湖山隱興我偏長  
若為更約林中侶謂草村兄弟缸面同傾話草堂

奉懷樊榭先生

溪南吳均梅查

山葉丹黃乍染霜高樓遙憶對湖光興來納翠開虛  
牖病起探梅上野航曾把新詩冰雪淨為尋幽夢水  
雲長何時得挂輕帆去問字閑過舊草堂  
臘月十一日同人集董浦桂堂為恒公四十壽

西池雪後漸春融香飯初炊祝遠公乳竇雲堂新法席  
竹針麻線舊家風畫分山色來湖上杖帶泉聲入座中  
知有大千歸掌握長年應與辨才同

庚午除夕

散材寂寞又逢春六十明朝是幸人猶子癯完尚平願  
餘年喜作老萊身薄雲淡日商量雪翠栢黃梅點綴貧  
夜半無眠聽爆竹詩情除舊要從新

元日對雪

以下  
辛未

閉戶焚香宴坐中舊寒著意戀東風無人可造真閑日  
有雪相娛此老翁竹色低迷三徑白松明張王一爐紅

朝來凍筆呵初試學寫宜春帖未工

同江聲可堂龍泓游吳山分得開字

游人爭上最高臺吟賞還輸我輩來白髮登山猶卻杖  
青春入手莫辭杯夢中鼓吹元宵過烟外江湖望眼開  
爲避香塵尋曲徑洞天寒護一林梅

雪晴寄可堂龍泓

元冥奪春三日雪雪晴日出寒逾嚴爐溫覆手未忍別  
裘敝裏身無可添玉立數峯在北戶泉垂幾滴當南簷  
西溪梅信行復動野艇料理詩瓢兼

同吳可堂河渚探梅

渚中有渚吾舊句三年重問梅花渡人不看花花看人

鄭老周郎已泉路筠谷穆門皆昔看花侶也同行詩客比水曹情與梅花如肺附初過石函三兩株旋轉法華千萬樹遠族漁汀未銷雪近遮山屋才開霧香來竹外逆風聞枝壓橋邊捨舟步繁花亂插天作紙疎影橫眠池是譜縱饒畫手有湯楊那比春工多活趣平生萬事苦蹉跎花趁晴看亦遭遇微吟西日為予遲游蹤又逐寒蜂去

西溪山莊重有感

長生何藥試紅爐揀盡溪山住得無芳草不知人事改寒梅半逐世情枯洗妝閣圯辭春燕吹笛廊空有夜烏剩取曲池堪照影幾回閑遶更躊躕

夜宿雲溪菴

明仁和徐繼恩字世臣崇禎壬午副榜注名復社鼎革後為僧號俱亭菴其所創也

行盡梅花曲曲溪溪深何處辨東西入門初見佛燈上高枕不知林月低逸士染衣曾結社幽人疥壁漫畱題春來頗愛參禪味曉起呼童斲筍泥

雨中肩輿至永興寺看綠萼而返

籃輿軋軋傍溪隈野寺看梅又一來舊壁詩憎山雨敗危樓花遣午鐘催兩朝雙幹江南少碧蘚青鬚竹外開折取尙愁添口業誇人載得綠珠回

同紆齋龍威登寶石山麓望湖復集昭慶寺僧

房分賦

輕陰無雨亦冥濛出郭招尋一望中橋外人歸山罨畫柳梢船度水浮空年光會計春將半笑語畱連跡偶同

莫忘僧坊幽事在酌泉燒筍落梅風

聖駕駐蹕西湖恭紀一律以當衢歌

化日嬉游鬢已斑野臣何幸仰

天顏因遵

祖訓巡方舉為奉

慈闈 賜粟頒羽衛參差依弱柳簫韶和協繞春山

君王要與民同樂 特許三門夜不關三門錢塘海金清波也

邗上逢張浦山即送其重游大梁兼寄桑弢甫

秀州城下張居士握手邗江語不休畫裏看山殊傲兀

詩中說餅亦風流詩以與弢甫說餅長歌見示馬卿謝病誰知已杜老登

臺豈壯游若見故人相問訊為言憶遠雪盈頭

六十生日答吳葦村見貽之作

我生少孤露力學恨不早孱軀復多病膚理久枯槁干

進嬾無術退耕苦難飽悵下第溫岐歸徹廬孟浩風塵

恥作吏山水事幽討結託賢友生耽吟忘潦倒流光去

若馳年境已至老禮六十曰耆賀賜云至也言至老境也贈言感君意璜琮藉

文纒生辰與我同壯盛君自好君如初陽升積漸滿晴

昊我如炳燭微餘光近衰草榮名無足憑里曲豈堪寶

三復誦君詩慙汗滿懷抱

壽樊榭先生六十

吳鳳華

先生間史辰五月莫吐二余生較大晚亦此日墮地

聞今周甲子賀客接跡至為重富文辭曾中七經醉

品格如孤松有勁直無媚 盛世右文儒笙典堪鼓  
吹獻賦聲摩空一發偶不遂飄泊孝廉船道腴豈憔悴  
靈運游山詩字字溼寒翠可以傲神仙何必有名  
位伊余困塵縛妄欲窺金匱懸殊實徑庭生朝枉相  
類一笑甲辰雌足以徵古事惟祝享脩齡庶得蠅附  
驥

嶰谷寄鶴天寧僧舍有作同人和之

剪翎輕別閩風巔復恐翻飛計未全也識長身非近玩  
且教仙質伴枯禪三花樹下容聽偈九杞山中竹買田

孫太初養鶴南屏許相卿為買田于九杞山有鶴田券

此段高情消得否一聲叫破石堂烟

為商寶意悼亡妾環娘次韻四首

茫茫愛水正無邊會說佳名玉字連解後那堪成夜恨  
循來猶記困春眠依稀朱鳥窗中事短折霓裳曲裏年  
倒瀉天河作平地人閒終不罷相憐  
笄年拜壻定無差誰道開花早落花今日煙波司馬淚  
當年風月翰林家鬢雲翠滅傷瓊樹臂玉香消失綠華  
可惜寶陀勤禮處不求共命作頻伽  
騎去青鸞入杳冥檀郎從此號商星草名懷夢眞成幻  
衣可招魂豈有靈弟子尙畱吹了笛侍兒忍捧誦殘經  
扁舟共汎尋常事腸斷東風樵李亭  
從來薄命是佳人槿豔珠漚莫認眞歸葬稽山終化土  
前生瑤島本無塵可能消領詩中意何限低回畫裏身

官路多辛頭白早知君不復更尋春

挽方環山

別時君善飯驚見素帷陳水逝悲同甲松摧失俊人文  
章秋卷冷粉墨夜臺新舊贈營工筆今逾什襲珍

曾作臨平藉花

圖及傲雲林小景見贈

早秋同近人授衣于湘集天寧寺具公方丈同

用東坡病中游祖塔院韻

漠漠空林散佛香斷雲吹雨一天涼客臨流水心都淨  
僧自鄉山話更長解夏有期思本寺打包笑我倦諸方  
食時五觀今參得慙媿秋蔬此飽嘗

集易松滋半厂書屋送蔣秋涇還樵李

同作蕪城客離情忽不任浮雲三塔遠落日大江陰主  
禮秋菘翦賓筵夜燭侵歸橈予亦近相趁早潮深

汪巢林八分書歌

少陵論書得其真曾云書貴瘦硬方通神昌黎論書有  
深意苦道羲之俗書趁姿媚由來八法壞六書二篆微  
茫竟誰嗣八分元從二篆生強被歐陽呼隸字漢人近  
古無差訛流傳後代已不多郭香察書久埋沒武梁畫  
像今銷磨任城五碑蟲蝕蘚泗水九刻龍騰梭巢林居  
士老好事典衣不惜窮蒐羅手摹心追筆成冢坐卧三  
日難同科腕懸仍似蠶頭篆筆磔稍存隼尾波只餘瘦  
硬之姿媚每受俗眼相譏訶興來為我書數幅奴視唐

朝韓擇木豪家屏障豈相宜挂我脩脩竹閒屋

樊榭山房續集卷八

樊榭山房續集卷第九

錢唐 厲 鶚 太鴻

詞甲

梅子黃時雨

梅雨

枯坐幽窗賺輕夢破時驚響荷扇正濃綠牆頭金丸堪  
薦想到一犁江上暝愁將入吳雲遠淙潺徧吹笛夜船  
燈影遙顫 深院殘寒猶戀漫妨他燕乳簾暗慵卷柰  
掃壁看題蝸偷銀篆依約紅綃香潤句鞞羅應竚沿階  
蘇風微便樓前鏡波深淺

摸魚兒

和葑田病耳

甚年時楚江寒早病懷偏惱孤旅悠然自喚空閑字瘦  
影幾番回顧難寐處也省聽敲窗暗葉穿階雨殘更漫  
數總付與醒眸青燈素被渾未減愁緒 人間世幾箇  
知音伴侶幽蘭涿水休譜祇應不了枯禪味聞性卷荷  
猶貯凝思苦問隔屋釵聲可是忘情句因君小住向無  
想山中飛塵沆斷相約枕流去

瑣窗寒

初夏同葑田松泉過深柳草堂

戶小關雲城高縋碧嫩陰搖瓦何年種柳正憶漢南游  
冶想依依香綿褪時繡鴛不到閑庭榭付餘花倦蜨橋

痕簾影伴人情話 疎野連漁汊聽笛弄滄浪悄然歌  
罷離蹤似寄頓冷故溪吟社笑輸他桃根渡頭載來翠  
峯偏淡寫看籬根艇子縈回任取浮萍惹

天香

薛鏡

藍浪浮花青銅淬彩空明大好無翳樣巧裁菱面平指  
粉不數尚方新製吳船載取縈繡帶疑迴鸞翅低挂蘇  
潭片月如描弁峯晴翠 華年誤人似此杜郎看鬢絲  
難避幾對淺渦梨暈笑臨秋水勛業平生付與最愛是  
長宜舊銘字聽罷懷中窺餘睡起

水龍吟



漳蘭

海帆吹送瓊姿一番又拆秋前信雲衣嫋嫋冰心的  
高情占盡著意扶持青瓷架小素甌茶嫩向風亭水檻  
炎光不到寧香夢今纔準可惜幽芳易近有誰知楚  
天閑恨逢迎只許靈均水佩湘娥烟鬢驛荔程遙蠻花  
種杳不堪重問試山空露下瑤琴獨按寫深林韻  
摸魚兒

芡

趁平湖采芳艇小荷盤初沸烟雨釵莖靜照涼波影不  
比脆絲纏露花點注看傾盡斜陽幽意憑誰訴西洲倩  
女訝碧臆纔翻青吭漸滿脈脈水天曙明珠剖誰道

暗投無誤鮫人何事相妒攜來菱市瓜塍畔猶著宮黃  
深護論斗煮算風味親嘗只有涪翁語輕圓薦俎早縈  
繫心期春蔥膩雪巧夕翦燈處

齊天樂

絡緯

夕陽纔作去微涼意幽窗便聞秋紡怨緒回風情絲曳  
雨交夏依然搖颺離悰記往在楓葉橫塘豆花深巷翠  
股斜敲蕭蕭又送去年響何人聽時較早舊啼銀燭  
背寒素無恙染黛形輕翻車韻急偏隔秦樓朱幌餘絢  
漫想怕短髮難搔助愁千丈夜色柴門幾聲天更爽

桂枝香

銀魚

平橋永書慣柔浪寸鱗來問春後長是船橫鴨背派流  
鶯脰高人不見元真子但烟波到今依舊葦汀花岸千  
絲作網笑伊還漏更比似針鋒細瘦好分付吳娘拖  
樓烹就翠釜芹芽菽乳入甌芳溜鷗鄉占取閑滋味任  
年年阻風中酒幾分纖軟堪人斷腸憶鱸能否

木蘭花慢

賦木犀香數珠

訝熏爐未燼分秋宇染鉛丹正露重銅盤風搖鈿粟暗  
和沈檀珊瑚佩瓔零亂擣花房聲共曉鐘閑一串胸垂  
圓相雙心臂纏清寒窗閒待洗塵煩斜挂處藕絲單

認現住冰輪前身香國不算緣慳更番秋期細數勝纖  
痕畱印在雕闌宛轉仍酬密願氤氳難解連環

慶宮春

冬夜泊舟鴛湖有憶

倦柳驚鴉澄湖低月墜霜初度篷罽搖落心情交加魂  
夢水天離思難寫賦箋詞筆憶相見秋娘淡雅淒涼只  
在學繡村邊曉鐘敲罷可能負卻西風兩槳來時暮  
雲凝乍啼紅唾碧衫痕猶澹尚記那回簾下怨人輕別  
是纔識香囊分麝孤鴻遙去說與教知酒醒今夜

換巢鸞鳳

張東園送洋雞一雙賦此報之

一訊槎風有雙棲錦羽攜取筠籠抱時春嶼裏啼處曉  
波東洪桃花下幾回逢乍呼小名朱朱未通瑤窗遠想  
誤卻汜人同夢 珍重誰乞種持比汝南瘖瘖神偏聳  
幘染蠻砂尾梢蜃雨特地移窠分送我已無心舞秋宵  
負雛看啄苔階縫憑丹青喚梅家寫伊飛動

清平樂

元夕悼亡姬

春衫淚浣誰問春寒淺依舊去年正月半錦瑟華年未  
滿 重來徑曲苔荒一屏梅影淒涼疑在小樓前後不  
知何處迷藏

沁園春

聲

隔院飛來巧囀如簧初聞可憐正金經學誦生成柔輦  
珠歌教唱分外清圓花下泠泠簾中嚶嚶小玉頻呼密  
意傳吟郎句慣臨流對月韻更悠然 道將雙字聯翩  
比相見春風一笑媽記韻桃幽思呪餘茸舌折楊離恨  
噎在香咽細語歡濃嬌啼夢淺時送吹蘭到耳邊關情  
甚聽鶯雛燕乳仍是并年

影

賦就閑情願逐娉婷朝朝整隨恰花陰行過費他迴顧  
柳絲遮住暫爾相離悄照春波偷窺曉鏡只道無雙更  
有伊研丹粉愛自描活脫小樣崔徽 何妨坐起輕攜

怪幾度拋人欲睡時又低髮月底問來不語凝眸燈下  
抱處如癡蹴踞幽坊秋千舊徑看未分明捉搦遲重逢  
後羨香肩斜倚共映屏幃

水龍吟

題吳東壁大洋汎月圖

憑誰畫就滄溟影連南極搖空碧茫茫何在雲帆吹送  
高秋今夕蛇種城遙鯤人國杳水天無迹正銀濤上湧  
冰丸倒射應笑岸臨風噴爲問乘槎此客挹長庚幾  
經淪謫一官寄耳乾坤奇處肯教輕擲身到清虛胸吞  
雲夢舊聞嫌窄看蠻童起舞澄輝零亂瀉蓮花白

清平樂

春游士女圖

膠鬢新拭正是停針日小扇撲餘無氣力風裏楊花吹  
急銷凝石畔兜鞵不如偎暝蒼苔欲就濃香一夢翩  
翩胡蝶飛來

臺城路

題周雪舫運判萬夫人八分遺墨

使君高會詞人處霜風正凋疎柳白雪徵歌青猿授簡  
不惜連車沽酒高情感舊展翠閣遺函玉臺嘉偶錯落  
蛟龍光和體格最清瘦人閒謫來未久悵芝田路杳  
鸞馭難又伏氏經傳吳家韻寫空絕才華前後紅絲小  
籀合長供鈴齋異香熏透夢井淒涼一編時在手

行香子

憶焦山舊游

落托華顛棲泊頻年展心胸都付山川名區壯觀勝友  
奇緣約弔坡公訪綸老謁焦仙 鼉吼更傳龍抱寒眠  
記霜崖佛閣燈懸詩囊點檢莫怪蕭然但貯江風貯江  
月貯江烟

沁園春

腕

十二樓高隱約輕雲全遮玉容正簾衣半卷斜支雪藕  
香羅一握乍斂春蔥膚薄微揜節圓漸露獨倚霞顚想  
像中涼侵處有退紅衫袖淺護西風 欠伸在畫屏東

見背後凝酥兩欲融更朱繩力怯秋千齊挽綵絲痕緊  
端午深籠對脈慵擡傷心小搯笑學簪花運未工新來  
瘦問那人知不跳脫旋鬆

聲聲慢

題停琴士女圖

簾垂有影院靜無聲誰家待月闌干兩點深顰分付次  
第眉山薄妝乍悅便低鬟更自幽妍心事遠看轉將瑤  
軫尚怯春寒 只有梅花知得愛香生絃外韻在絲前  
小立徘徊肯教流響空烟人間尚畱粉本不愁他輕誤  
華年凝望處想參橫依約未眠

臺城路

行香子

憶焦山舊游

落托華顛棲泊頻年展心胸都付山川名區壯觀勝友  
奇緣約弔坡公訪綸老謁焦仙 鼉吼更傳龍抱寒眠  
記霜崖佛閣燈懸詩囊點檢莫怪蕭然但貯江風貯江  
月貯江烟

沁園春

腕

十二樓高隱約輕雲全遮玉容正簾衣半卷斜支雪藕  
香羅一握乍斂春蔥膚薄微揜節圓漸露獨倚霞顚想  
像中涼侵處有退紅衫袖淺護西風 欠伸在畫屏東

見背後凝酥兩欲融更朱繩力怯秋千齊挽綵絲痕緊  
端午深籠對脈慵擡傷心小搯笑學簪花運未工新來  
瘦問那人知不跳脫旋鬆

聲聲慢

題停琴士女圖

簾垂有影院靜無聲誰家待月闌干兩點深顰分付次  
第眉山薄妝乍悅便低鬟更自幽妍心事遠看轉將瑤  
軫尚怯春寒 只有梅花知得愛香生絃外韻在絲前  
小立徘徊肯教流響空烟人間尙畱粉本不愁他輕誤  
華年凝望處想參橫依約未眠

臺城路

當湖喜晤張今涪別去以詞見寄依韻奉酬  
柘西尚有詞人在梅邊愛聽吳語明鏡慵窺青山欠買  
贏得吟情如縷高陽伴侶約小醉圍爐孟婆能阻斜日  
歸鴉一羣寒影向村塢 殘年猶是近旅津亭仍解纜  
離恨難譜橫溇蓴東湖烟水輪與漁兒漁女心期暗  
許在第六橋頭酒旗茶鼓一片春光快教胸臆吐  
畱宿張龍威藝舫同話丁卯舊遊有感用前

韻

重來君有攬先卜燈昏昨宵如語問訊東湖年時柳色  
猶曠烟中殘縷英游俊侶歎范蠡船遙黃公壚阻一曲  
南莊更無人過白雲塢 乾坤總成逆旅化兒多戲劇

顛倒誰譜風掩閑門冰漸老硯絕代空吟貧女淹畱未  
許早歲晚天寒又催津鼓別夢依依小樓窗日吐

沁園春

己巳除夕偶讀楊南峯循吉詩云買餚迎寵  
帝酌水祀牀公吳蓋同杭俗也予老嬾無事  
所須者飽食安眠而已因賦沁園春二闕以  
當樂神之詞

天上歸來司命醉餘家人合迎訝蒙莊書幻神原號髻  
諾臯志怪童亦名鋼難覓黃羊祇斟綠螳小市簫聲喚  
買餚寒宵盡早踞觚語好黔突春生 瓣香脈脈通靈  
訴口腹尋常累不輕歎火需朋舉常如僧飯釜非媵轅

那羨侯鯖避煬何人先炊有典一飽無求掩竹局吾儕  
事向山空歲晚稍理遺經

又

安穩閑房仗爾平生寢興載司記窗橫窺月情柔似水  
屏遮聽雨鬢改成絲金盡低顏玉存暖老漸近橫陳嚼  
蠟時吾衰矣但摸稜不管跌坐偏宜一杯酌爾休辭  
想此夕殷勤也合知笑放懷物外年年夢蜨求官何處  
日日搢龜早起雖慵春來更健睡法希夷好護持寧須  
羨設沈香八尺花下頻移

疎影

小玲瓏山館賦絮影

飛絲近遠又綠陰弄日吹過隋苑比雪還輕度水無痕  
東風下上低捲成團作隊冥濛甚真共幻總迷心眼倚  
繡簾誤卻吹時明滅箇人庭院尚憶張郎好句正朦  
朧淡月墜處初暝漫綴征衣點鬢休驚欲捉兒童仍懶  
悠颺夢入離亭路寫不盡楚江春晚笑雨餘一種露泥  
付與老禪爲伴

一剪梅

立夏後一日同人集晚清軒補作送春之會  
吟鬢蕭疎客夢輕春盡忘情春去關情問春去了幾何  
程鳩作雙聲燕作雙聲櫻筍盤筵理舊盟芳夜心爭  
涼夜心爭綠陰便是短長亭歌趨春行酒駐春行



摸魚兒

透風透月兩明軒賦新荷

掃干紅已隨流去綠雲南浦偷換錢錢點點田田樣浮  
動鏡心纔滿青蓋輒想早畏朱曦為覆雙鴛伴全舒尚  
卷似龍女牋絨鮫人帕束含憶又含怨 西湖好何處  
羅裙玉腕采香休道來晚粉紅未逐薰風嫁扇底且藏  
嬌面珠倒濺聽驟雨聲聲譜入歌喉轉吟騷意嬾任細  
裊冰絲低搖翠柄衣小那堪翦

柳梢青

效許圭塘體

鬢點吳鹽十年來去苧翦征衫千里鶯花幾重烟水一

片雲帆 鄉園試話情忺有黛染明湖鏡匳佛土茶香  
漁村蓴滑好箇江南

又

佳處曾探量泉惠麓踏蘚靈巖多少吳娃明妝倚舫玉  
面乘籃 秧田竹屋蘆簾指歸路垂虹舊譜瑟瑟波搖  
彎彎月唱好箇江南

又

臘尾春絨楓霞徧綴梅雪相兼新綠初成輒紅不到水  
國無炎 女湖兒店程添記茗霽秋風挂帆洲渚神仙  
樓臺烟雨好箇江南

又

湖傲山酣綠蓑白雨紫筍黃柑蠶戶新封鷗鄉近署當  
了頭銜興來浪跡猶堪訪酒社詩朋快談焦洞潮聲  
攝山月色好箇江南

齊天樂

庚午夏五將歸湖上畱別韓江吟社諸公

平生慣向蕪城客吳絲暗斑雙鬢雪嶺才高青樓句好  
那比前人疎俊吟朋勝引愛款竹尋題占花分韻忽覺  
歸心一燈搖夢野鷗近湖山此時舊隱玉壺涼萬斛  
紅膩蓮暈江雨鳴篷林風解纜離緒滿於潮信流連未  
盡謝送我多情熟梅芳醞彈指秋清重逢期定準

送樊榭歸西湖

馬曰琯

廉纖細雨侵衣袂梅天最難調攝苦筍過牆青苔上  
砌客裏光陰飄忽懷歸念切擬暫淪茶鐺少畱吟篋  
只恐紅衣待君香散半湖月吹簫何處濯髮浸空  
明一片消盡炎熱喚艇邀涼凭闌覓句沙際白鷗凝  
雪那堪閒闕定驀憶山齋幾般縈結莫負秋窗滿林  
蟬亂咽

又

馬曰璐

片帆約共雲陰遠相看已縈愁緒淡景邀詩遙情人  
畫綠暗前時來路汀荷苑樹有花底魚經柳邊簫譜  
水夢山魂朗吟飛向鏡奩去湖頭應憶舊侶正疎  
篁露滴如對幽語病渴文園耽佳飯顆算是襟分幾

度離杯漫舉待潮落江天片時延佇只到涼秋剪燈  
同聽雨

樊榭山房續集卷九

樊榭山房續集卷第十

錢唐 厲鶚 太鴻

詞乙 北樂府  
小令附

人月圓 黃鍾宮

甘露寺懷古

夕陽江上吳朝寺曾記昔畱題火焚松徑塵埋蓮護雨  
洗苔碑 樓空多景鐘聲今古帆影東西花開潮  
生潮落物是人非

長安某氏廢園

行人指點城南路往事半模糊烏衣門巷平泉樹石金  
谷笙竽 當時深貯娘名御史妾號尚書而今但有空

池飛燕破瓦奔狐

叨叨令

正宮

碧浪湖感舊

月圓波靜蘇灣暮一船兩槳橫塘渡秋燈紅袖曾偷護  
曉妝青鏡初回顧憶殺人也麼哥憶殺人也麼哥重來  
都是傷心處

醉太平

正宮

看梅宿西溪山莊

掩簋笆野橋護莎砌田坳梅花雪擁閣如巢供吾儕睡  
飽溪深溪淺隨春笑窗明窗暗疑人到鐘初鐘絕帶詩  
敲剩香吟半瓢

東郊小隱

小人哉學圃諸生耳備書門前綠柳陰清渠東風菜吐  
游仙枕外分朝暮牽絲棚外看來去選官圖外論羸輸  
閑中樂乎

題村學堂圖

村夫子面孔渴睡漢形容周遭三五劣兒童正拋書興  
濃探雛趁蝶受朋儕哄參軍蒼鶻把先生弄甘羅項橐  
笑古人聰不樂如菜傭

春雨

溼東風燕剪灑芳樹秋千掃晴娘拜惜花天對珠簾暮  
捲濛濛遮住宜春院絲絲吹上傷春面瀟瀟唱出送春

筵好春光去遠

初夏園居

野茶蘼蓋瓦水楊柳穿笆翠畦深護小人家看童兒戲  
耍種瓜不長東陵價賜櫻不羨長安話澆蔬不減漢陰  
佳任東風過馬

後庭花

仙呂宮

冬日同江聲登吳山

仙山迴磴重酒樓空翠中霜落千門樹風清十廟鐘夕  
陽東越王何在鴉翻江上峯

次韻

金志章

林疎翠靄重山圍間井中輦道穿危磴叢祠響午鐘

酒樓東天開圖畫烟江千萬峯

醉中天

仙呂宮

張龍威送醉蟹

無復爬沙樣風味付廚娘纖手紅椒擘繡匡只合糟工  
葬春雨瀟瀟夜窗背燈情況畫眉人肯分將

事見張  
做集

一半兒

仙呂宮

金華寶婺觀

雲衣月面佩珊珊夜駕天風下古壇響入赤松山外山  
篆煙殘一半兒浮空一半兒散

吳甌亭瓶花齋翦橙小集

移從夜雨記親栽翦向西風入手纔剖霧莫辭傾翠醅

夢樓山房詩集卷十  
三  
輓金杯一半兒詩成一半兒改

上虞百官江口舜廟

重瞳此地有遺苗野廟空江玉座銷無復百官趨早朝  
話漁樵一半兒龍工一半兒鳥

浮山禹廟和嶰谷

雲根不出廟庭隅神怪當年豈盡誣塑壁尚存山海圖  
看模糊一半兒蝸涎一半兒雨

吳山伍公廟

青山遙對海門斜時見靈旗溼浪花夜夜潮驚萬家  
閃棲鴉一半兒聲回一半兒打

鶴林寺米襄陽祠

仙花僧竹認松龕遺像依稀海岳菴野鼠有時鬚被銜  
護伽藍一半兒塵添一半兒滅

淮陰漂母祠

淮流日夜走青蘆老屋煙煤一飯餘亭長有妻曾媿無  
漢規模一半兒韓侯一半兒母

松江超果寺一覽樓寫望

潮迴黃歇浦邊春天界秦皇道上曛山冷陸機茸內雲  
畫難分一半兒丹青一半兒粉

題吳抱村閑居消夏圖

綠楊風裏掩茅茨紅藕香中收釣絲翠竹影邊吟小詩  
日長時一半兒橫經一半兒史

青歌兒 仙呂宮

悼吳中歌者

花前偷回嬌盼賞知音舞袖弓彎何處秋墳唱夜闌拋  
卻青團扇兒閑風流且 元夏雪裝青樓集李  
嬌兒人目為風流且

四塊玉 南呂宮

題大滌貝鍊師房

種藥鉏分茶筌蒼檜空堂隱臞仙碧桃幽徑閑尋徧一  
柱煙五洞天九鎖泉

沈歸愚侍郎天台歸過訪

霜滿鞞塵侵馬白首諸公戀東華相逢愛說天台話躡  
嶠霞飯澗麻吟瀑花

閱金經 南呂宮

同吳可堂游潮鳴寺

竹外青蓮座水邊黃面僧掃葉烹茶折腳鐺迎罷翻金  
字經蒼苔徑看碑廊下行

澆藥井

抱甕忘機事栽花消俗緣中有桐君上品傳泉飛流當  
暑天雲漿嚙主人平地仙

朝天子 中呂宮

送樓于湘歸吳門

稻齊鱸肥久憶吳中味乘秋帆影去如飛嫋嫋菱歌起  
鶴市誰依鴻廡單棲算歸時仍客裏得歸且歸吟不了

烟波意

同作

馬曰璐

擬行未行猛賦得歸期定木犀香裏晚雲晴盼殺  
臯橋影秋五湖清月二分明寫相思兩地情酒城鴨城  
莫忘了盟鷗等

紅橋納涼

藕湖柳渠亭館風多處十年隋苑舊詩逋團扇招涼句  
茉莉鬢酥薔薇衣露隔船窗聞笑語不須醉扶月上紅  
橋去

春煙

遠林翠侵煥處迷離甚夜來輕抹畫廊深和月梨花浸

裏上羅襟飛上瑤簪似幽期一縷心再尋至今春有禁  
情難禁

滿庭芳 中口宮

殘秋湖上有懷月田筠谷穆門三君之歿

湖山宴娛景留年去社散人徂畫橋煙艇風蒲路極目  
愁予夢已隔黃公酒壚寫難窮白傅詩圖秋光暮碧雲  
紅樹泉下得知無

題王茨簷北郭移居圖二曲

生涯自遣嫌居市井喜近田園酸寒東野唯詩卷家具  
蕭然鈍榜上高題狀元醉鄉中舊署神仙尋君便林鶯  
乍嘯卽此賀新遷



鄰家大有東屯雞柵北郭漁舟鐺中煮字今能句飽矣  
何求羊角埂看花慢走兔兒泉裏茗閑游歸來候遙山  
滿眸紫翠一筇收

辛未重午嶰谷半查招集行菴分韻

籬閑六枳階苔更掃徑竹新孳觴蒲有客過三四荆楚  
佳時王播去功名似此孟嘗生富貴何之開胸次須行  
樂耳不用讀騷辭

紅繡鞵 中呂宮

正月十六日同江聲可堂龍泓游吳山分得  
開字

三五夜將錢更買第一樓有酒初開士女燒香墜金釵

春潮和月上暮靄送詩來燈街人似海

春晚

情黯黯花前側帽路茫茫月底吹簫花月江南憶新妖  
詩險吟芍藥夢枕墜櫻桃人隨春共老

普天樂 中呂宮

題行菴爲馬嶰谷半槎兩君觴詠地在揚州  
北郭天寧寺西

碧蘿垣蒼筤徑簷花月明庭樹秋聲暮分謝墅幽榻下  
蕭齋靜大小山名堪移贈卜行窩招友經行行廚醉醒  
行衣露冷行篋詩清

春水

雪初消波微瀟鵝鴨蕩口鶯脰湖頭藍拖打槳人綠染  
湔裙候何事干卿吹頻皺笑東風直恁風流情如此柔  
殘紅漾久還妝樓

喜春來 中呂宮

春柳

初過元夜新黃蘸剛近清明嫩綠攏小紅樓外拂毵毵  
黏畫衫飛絮滿江南

山坡羊 中呂宮

秋雨初霽嶰谷半槎招同人集看山樓填此  
曲予以病不赴

瓷青天逗綃紅霞漏井梧缺處山新瘦雨初收酒新篘

鯉風試弄凭闌袖自笑文園多病後秋嬾上樓愁還獨  
謳

春日郊行

春山如笑春流堪照桃花紅出疎籬靠醉村醪聽神簫  
社公雨灑湖王廟雲影弄晴歸尚早橋魚散苗郊燕定  
巢

梧葉兒 商調

春山

窗中岫天外峯雪淨遠連空淡冶河陽重浮嵐北苑工  
暖翠井西同遙念著眉梢更濃

小桃紅 越調

橫波夫人畫蘭扇敬身索賦

秦淮不見翠雙顰  
摺扇香痕潤往事  
眉樓有誰問墨花  
春靈均舊怨都銷  
盡南朝豔粉才人  
風韻題詠到湘羣

龔宗伯有題畫蘭扇  
如夢令為橫波作也

吳江道中

一篷風色一橈雲  
詩有江湖分第四  
泉邊緣陰襯夏寒  
新憑誰寄箇松陵  
信楊花迥褪棟花  
飛近金鴨煖梅魂

柳營曲 越調

尋秦淮舊院遺址

支瘦筇訪城東板  
橋夕陽依舊紅名  
士詞工狎客歌終  
醉卧錦臙叢閑愁  
埋向其中溫柔老  
卻吳儂香銷南國

盡花落後庭空風吹夢去無蹤

春夜汎湖

停漏籤展冰匳春  
湖可人花月兼蜨  
夢厭厭柳影纖纖  
山隔夜明簾呼燈  
重問青帘叩舷同  
唱烏鹽沂流光三  
塔動衝香霧六橋  
黏尖風起索衣添

漁家

漁事多柰漁何漁  
心太平誰似我春  
雨漁蓑落日漁艇  
漁舍水雲窩約漁  
兄漁弟經過聚漁  
兒漁女娑娑漁竿  
連月浸漁網帶烟  
拖歌漁笛定風波

漫作效康泚東體

回敞車守空廬貧中自憐貧有餘  
鳥識親疎花驗榮枯

笑讀古人書扁舟不逐陶朱布衣空羨丹徒英雄重俯仰事業一欲歔初只合老樵漁

春思效張小山體

紅漸稀綠初肥暖風一團香絮飛春入長眉春著單衣無處問相宜乍開簾芳草東西倦凭闌粉蝶高低鳥聽秦吉了花發蜀當歸伊誤了牡丹期

沈醉東風雙調

春日西湖

謁東閣平生未肯典西湖此事休云約酒朋探芳信賣餠天柳嬌花嫩老作承平快活人看鏡裏春山似晒致中

醉中天自注云宋諺有典賣西湖之語臺諫謂之賣了西湖既賣則不可復省院謂之典了西湖猶可贖也無官守無言責此古人所以輕視軒冕歟

紅橋水亭看荷

移舫子雲陰半掩倒闌干魚影深潛池分九曲涼花比重湖豔看娉婷不隔湘簾疎雨催詩意未忤但葉上聲來數點

折桂令雙調

金陵朝天宮秋寓

笑平生詩卷生涯偶寄雲房似到仙家鏡照山精鐘敲夜斗鼎鍊秋霞申地園不畱破瓦下公墳誰種殘花莫羨豪華六代興亡衰柳啼鴉

賦得客帳夢封侯

傍幽窗斗帳淒涼何許儒冠忽擁油幢虎士趨風蛾眉

環坐珠履成行班祭酒須輕故鄉李將軍得遇高皇萬  
里名揚萬戶勳償一枕邯鄲總是荒唐

題殿畫乞巧圖

剩前朝一椹丹青長信昭陽無限秋情金合藏蛛絲橋  
度鵲紈扇飛螢聽玉漏遲遲五更拜銀灣脈脈雙星梧  
影閑庭不卜他生但祝今生

低髻

理香絲樣減菱銅緊縮螺尖不放鴉鬆翠葉斜安金釵  
短插羅帕輕籠行雲穩微微楚峯墮花慳小小吳宮傳  
徧城中壓倒韋娘見慣司空

述懷

問先生底事窮愁放浪形骸笑傲王侯不隱終南不官  
彭澤不訪丹井搔白髮三千丈在手算明年六十歲平  
頭天許奇游弄月蛟門看雨龍湫

西湖次趙文寶韻

比西湖西子爭誇西子看來尙遜穠華不盡雲山無窮  
煙柳可惜風花斜陽在黃妃舊塔醉鄉眠蘇小誰家流  
水殘霞新月如牙油壁香車歸去吳娃

浩然巾

展鮫綃一幅裁雲素頸遮寒翠鬢藏春踏雪風流尋梅  
窈窕照鏡溫存分明是江妃後塵又猜疑孟浩前身詩  
客知恩剛近香肩凍粟無痕

題徐安生桂花湖石小幅爲丁龍泓作  
是何人染出秋光石擬聞菴樹訝懸香纖手皴苔柔毫  
暈碧嬌額分黃權當作如來供養也應教才子收藏腸  
斷吳閶漂泊多情老去徐娘

懷嶰谷游金陵效疊韻體

溯空行小艇風輕萬頃潮平清興堪乘山迴雲生林青  
雨映一幃金陵景陽井苔崩舊京石頭城煙冷新亭茶  
鼎禪燈竹徑江聲酒聖詩盟少摒塵纓緩定歸程

楊妃病齒延清齋分賦

宴華清何限歡娛底事朝來粉悴香癯柳葉微顰瓠犀  
小冷棠萼愁吁沒亂煞開天帝主敕離支休進中廚塞

上思酥突騎長驅活玉巢中且忍須臾

清江引 雙調

蘇堤春曉

誰家總宜船玩景落月長隄映柳煙舒翠屏花露指明  
鏡西施帳中春夢醒

花港觀漁

東風倚闌花似雪小汊分鱗鱖魚將花吐吞花逐魚明  
滅人生不如魚樂也

柳浪聞鶯

小鶯擲梭風柳靡翠線波痕細雙柑酒便攜兩豆塵休  
閉百單八聲春去矣

魏院風荷

風漪四圍深院宇荷氣銷炎處斜明柳外虹亂颭萍閒  
鷺來看翠盤高下舞

兩峯插雲

南北兩高青對聳氣溼雲飛動牛頭縹渺齊馬耳冥濛  
共僧歸雨來龍湧湧

平湖秋月

月明滿湖剛著我不攪魚龍卧碧瀾寸寸秋桂子紛紛  
墜星河醉驚都繞舸

三潭印月

魚王國中看月上三塔遙相望浮珠白一丸沈璧寒千

丈夜深老禪心一樣

雷峯夕照

黃妃塔顏如醉叟大好殘陽逗渾疑劫燒餘忽訝飛光  
候漁村網收人喚酒

南屏晚鐘

鯨鏗一聲山鳥駭響徹青松外雲遮五百閒月上三千  
界歸舟幾聽頭漸白

斷橋殘雪

水南數峯皴粉少玉竦澄餘照鷗邊草欲蘇驢背梅初  
笑林逋宅荒猶未掃

菜貴戲作

晚菘一筐堪適口莫笑貧家陋求添轉不能問價高於  
舊宜州老人空肚久

落梅風

雙調

華秋岳為予寫西溪卜居圖因題其上

橫斜影清淺溪翠濛濛嫩寒山氣梅花見招深處棲草  
堂資故人誰寄

孤山訪梅

蜂鬚朶鶴膝枝背湖陰杳無人至逋仙墓前春若此瘦  
吟肩聳成山字

歲除得沈椒園山東書

琴工欠藥券遲逼殘年有臺難避門前雁行誰解圍沈

三兄俸錢遙寄

張說謂沈佺期曰沈三兄詩須還他第一椒園行三故云

鄰牆杏花

高樓雨深巷風惜花人作詩無用紅香笑窺牆角東笑  
先生白頭非宋

嶰谷送漳蘭

心占易佩擬騷兩三莖送秋先到吐幽香暗將炎晝消  
雪窗僧寫來難肖

原作

馬曰琯

清風灑涼露滋瘦亭亭自憐幽致伴同心玉琴調七  
絲小窗中略添秋思

水仙子

雙調



虎丘書所見

王珣宅畔曉鐘催朱甌花邊午店開仇英畫裏春妝賽  
趁清明冷食來施山僧那惜金釵低潤臉男兒拜整新  
裙侍婢擡恨無端落日船回

竹下水仙

翠雲影掠玉鈿柔蒼雪聲搖金瑣流天寒正倚佳人袖  
是何年雅蒜收傍琅玕鵝管花抽墨胎子生來瘦楚湘  
娥分外愁合就清幽

齊瓊臺侍郎雪中過訪

十年握手意偏深千里言懷喜不禁三公折臂君尤甚  
卧天台琪樹陰惹蒼生望到而今剡雪淒清興江雲縹

緲心有約聯吟

謝馬嶰谷半槎惠人覆闌干匣字敲殘  
靈苗合在阮生家香藥應須溫尉誇連根便是邊鸞畫  
價兼金難賽他起沈疴何必丹砂秋寄逢江雨晨煎汲  
井花此意無涯

殿前歡 雙調

秋思用張小山春思韻

寫秋思芭蕉葉葉竹枝枝南湖風雨涼何自潘鬢成絲  
蟲聲唱鬼詩雁影排人字鳳紙書仙事餘香滅後幽夢  
回時

春草

蘇射山房讀集卷二

燒痕春無端喚起踏青人青青有盡愁無盡不入侯門  
濃將落日薰媚借飛花襯色作羅裙認小卿墓上西子  
湖濱

撥不斷 雙調

晚秋田家

倚霜根望前村西風漸掠歸鴉陣稻熟租分斛面勻菊  
香醉枕鉏頭穩是非休問

枳郎兒 雙調

月夜過吳梅查青棠館  
趁微涼訪書堂淡月正昏黃卍字闌干亞字牆新詞同  
唱合歡花影轉東廊

樊榭山房續集卷十





